



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1729. usque ad annum 1731

**Fleury, Claude**

**August. Vind. [u.a.], 1785**

**VD18 13322648**

§. 32. Benedictus XIII. Papa Beneventum profectus.

---

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII. Nihilominus tamen idem P. Cou-  
 A. C. 1729. rayerus hoc anno Amestolodami in  
fui defensionem edidit relationem histo-  
*ricam seu apologeticam opinionis suce una-*  
*cum documentis, quibus facta in sua disser-*  
*tatione allegata vindicantur.*

## §. XXXII.

*Benedictus XIII. Papa Beneventum*  
*profectus.*

**H**oc rursus anno Benedictus Pontifex  
 Beneventum proficisci statuit, ut  
 hanc Ecclesiam, quam nec in Pontifi-  
 cia dignitate constitutus dimiserat, am-  
 plis Benevolentia pietatisque monu-  
 mentis locupletaret. Præcesserant Col-  
 licola & Coscia Cardinales, qui neces-  
 saria Beneventi procurarent: ipse etiam  
 Pontifex, cum pia ejus liberalitas jam-  
 jam omnem auri suppellectilem in pau-  
 peres profudisset, in pleno Senatu Pur-  
 puratis exponere cogebatur, ad itine-  
 ris expensas necesse esse, ut ex the-  
 sauro in arce S. Angeli reposito quas-  
 dam desumeret pecunias: nonnullis  
 vero opponentibus, has pecunias non-  
 nisi pro extrema necessitate esse erogan-  
 das, respondit, etiam Beneventi exi-  
 stere pauperes extrema necessitate  
 pressos. Igitur die vigesima octava  
 Martii Roma profectus, continuato iti-  
 nere



nere ad locum pervenit, ubi recens e-  
recta erat Christi Cruci affixi imago, Sæc. XVIII.  
qua conspecta e curru descendens, ac A. C. 1729.  
in genua provolutus preces ad Deum  
tanto pietatis ardore effudit, ut ex ad-  
stantium oculis lacrimæ ubertim pro-  
rumperent. Advenerat demum die  
sexta Aprilis Beneventum, ubi non-  
nisi Divinis rebus, & Pastoralibus  
exercitiis incumbens, mirifica gessit,  
ac protulit, Pauperes quotidie aluit  
quamplurimos, eorum pedes lavit, in-  
firmos Sacramentorum administratione,  
solatio & eleemosyna juvit, pueros fi-  
dei rudimenta edocuit, & assiduas ad  
populum habuit conciones, in quibus  
Auditorum animos ad rerum Divina-  
rum amorem, & cultum B. Virginis  
Mariæ mirum in modum inflammavit:  
Frequens insuper Divinæ Psalmodiæ  
in choro cum ceteris Canonicis adstitit,  
& Ecclesiam S. Bartholomæi, quam ex-  
pensis sexaginta aureorum millibus ex-  
truxerat, solemni ritu sacravit, necnon  
sancti hujus Apostoli reliquias in eam  
transferri iussit. Denique celebravit ibi-  
dem Synodum Provinciale, ad quam  
non modo Comprovinciales Antistites,  
sed plures etiam Episcopi, qui Pontifi-  
cem secuti erant, ad ferendum suffra-  
gium admittebantur. In illa saluber-  
rimæ leges tam antea, quam in  
I 2 præ-



Sæc. XVIII. præcedentibus duobus Conciliis con-  
 A.C. 1729. ditæ, Apostolica auctoritate firmaban-  
 tur: plura etiam ex integro fuerunt  
 adjecta decreta, quibus Religionis  
 incremento, & disciplinæ Ecclesia-  
 sticæ, necnon morum emendatio-  
 ni tam in Clero quam in populo sa-  
 tis prospectum est. Agebatur insuper  
 de celebrando Concilio Nationali; cum  
 autem Imperator de Sicula Monarchia,  
 aliisque rebus minus sibi acceptis ibi-  
 dem agendum esse prospiceret, ac pro-  
 pterea ejusmodi Synodum sibi haud  
 arridere demonstraret, quinimo suæ  
 conditionis Præsulibus illuc accedere in-  
 hiberet, illius celebratio intermissa est.  
 Demum vero Pontifex die vigesima  
 Junii Romam reversus, summa om-  
 nium aggratulatione & applausu ex-  
 cipiebatur.

## §. XXXIII.

*Plures Sanctorum Albo a Benedicto  
 XIII. Papa adscripti.*

Inter alia pietatis opera, quibus Be-  
 nedictus Pontifex Dei cultum pro-  
 movere impense conatus est, haud in-  
 firmum erat singulare studium, quo vir-  
 tutibus ac miraculis insignes debito  
 publicoque cultu honorari voluit. Cum  
 ergo Cardinales ac Theologi huic ne-  
 gotio